

Insuper omne bonum cunctis Deus ipse ministrat.
Semper adest præsens, cunctos sovet, implet, ho-
[norat,
Glorificat, servat, veneratur, diligit, ornat,
Collocat Altithrono, lætosque in sede polorum,
Præmia perpetuis tradens cœlestia donis.
Angelicas inter turmas sanctasque cohortes.
Validicis junctos patriarchis atque prophetis,
Inter apostolicas animis lætantibus arcis.
Atque inter roseis splendentia castra triumphis,
Candida virgineo simul inter agmina flore.
Quæ trahit alma Dei Genitrix, pia virgo Maria,
Per benedicta Patris fulgenti regna paratu,
Inter et Ecclesiæ sanctos, natosque, patresque
Inter et ætherium cœlesti pace senatum.
Quid rogo, quid durum, seculo consetur in isto,

A Utique illes inter liceat habitare cohortes,
Sedibus et superum semper gaudere heatis.
Incolumem mihi te Christi charissima proles,
Protegat, et faciat semper sine fine beatam,
Meque tuis Christo precibus commendata benignis.

(*Precatio ad Deum.*)

Rex Deus immensi quo constat machina mundi,
Quod miser imploro per Christum te pie clemens:
Da vigilem sensum, Rex regum cuncta gubernans,
Da, precor, ingenium, da mentis lumen honestum.
Sit mihi recta fides, et falsis obvia sectis,
Sit mihi præcipue morum correctio præsens,
Sim charus, humilis, verax, cum tempore prudens,
Secreti tacitus, et linguae fulmine cautus,
B Da fidum socium, da fixum semper amicum.

APPENDIX.

CARMINA DUBIA.

HYMNUS PRIMUS. *De duodecim signis zodiaci.*

Primus adest Aries, obscuro lumine labens,
Proximat inde sequens projecto corpore Taurus,
Sic gemini fulgent jactantes orbibus ignem,
Æstifer est pandens ferventia sidera Cincri,
Hunc subter fulgens serpuit vis torva Leonis,
Quem rutilo se-uitur collucens corpore Virgo.
Exin projectæ claro collumine Chelæ,
Ipsas consequitur lucens vis magna Nepæi,
Inde Sagittipotens dextra flexum tenet arcum,
Post hunc cornifero Capricornus lumine pergit,
Illumidus at lato collucet Aquarius orbe,
Squamiferi rectoque natant tunc ordine Pisces.

HYMNUS II. *De æstatibus.*

Ter binos deciesque novem super exit in annos
Justa senescendum quos implet vita virorum,
Hos novies superat vivendo garrula Cornix,
Et quater egreditur cornicis sæcula Cervus,
Æripedem cervum ter vinci Corvus et illum
Multiplicat novies Phœnix reparabilis Ales,
Quem nos perpetuo decies prævertimus ævo
Nymphe Hamadryades, quarum longissima vita est
Hiæc cohæbet finis vivata freta animantium.
Cætera secreti novit Deus arbiter ævi.

DIONYSIUS DE ANNIS.

Anni Domini notantur in præsenti linea,
Cum misertus mundi Dominus ad tollenda crimina
Natus homo hic processit, natura ferens viscera.

C Ilorum quartam his appone annorum qui fuerint
Regulares adde quater, per septenos divide.

Item ut supra.

Tene autem nono semper Kalendas Aprilium,
Æeria quæ esse constat locus concurrentium,
Crescent quibus in diebus per septennum numerum.

De cyclo solis quem gradum teneat.

Octo annos subtrahend pro solari circulo,
Per vigenos et octonos reliquos divisoris,
Invenisse te gaudebis sic solarem circum.

Ad probandam concurrentem.

Circulum et hunc solarem divide per quatuor,
Tandem quartam ejus partem eidem adjicio,
Per septenos dividendo, concurrens invenitur.

Ad cyclum lunæ inveniendum.

Cyclus lunæ quotus exstat si scire desideras,
Duos annos semper deinde de supremo numero,

D Per novenos simul denos divisus reperitur.

Ad cyclum decimum nonum inveniendum.

Annis Christi unum tantum rite si addideris,
Per novenos atque denos pariter divisoris,
Decennovalem cyclum ultimum reperies.

De loco epactarum.

Epactarum locus patet facilis et commodus,
In undecimo Kalendas positus Aprilium,
In quo luna cum epacta coæquatur numerus.

Item de quatuordecim epactis.

Quarta decima epacta, cum tenuit circulo,

Ad inductionem inveniendam.

Tres appone annis Christi pro inductionibus
Regulares, et partire per quindenum numerum,
Absque mora tunc videbis quis sit ejus numerus.

Quando Christus natus sit.

Quarta est inductionis natus Christus Dominus;
Ideo tres apponuntur pro inductionibus,
De denis duobus Christi de annorum numero.

Ad probandam Incarnationem.

Ordines inductionum divide per quindecim,
In his autem regulares adde denos et duos,
Præsens anni apponatur inductione ibidem.

Ad exhortandum lectorum.

Calculum qui lector scire studes mente strenua,
Ordines inductionum aliae stent memorie,
Quæ si absint anni Christi amittes ignavia.

Ad epactas lunæ inveniendas.

Per novenos atque denos annos Christi divide,
Et quod his superabundat extende per undecim,
Per triginta partiendo epactas reperies.

Item ut supra.

Decennovenalem Paschæ unum tantum subtrahet.
Per undenos ampliabis, per triginta divide,
Epactam ipsius anni protinus invenies.

Ad epactas solis inveniendas.

Pro epactis namque solis sume annos Domini.